



O pasado xoves día 11 de outubro celebrouse, no Teatro Colón de A Coruña, a gala de entrega dos "Premios Opinión" adicados á música galega e organizados polo xornal "La Opinión". O músico ourensán afincado en Sabarís, Xosé Luís Miguélez foi o encargado de abrir a gala nesta sexta edición, cunha presentación do seu novo CD "Esperanza", que sairá á venda coa Editorial Dos Acordes neste mesmo mes de outubro.

Miguélez estivo acompañado ao piano por Pablo Diago e interpretando o tema "Noite", unha composición do propio autor para gaita solista, e os dous primeiros movementos da obra para Gaita e Piano "Luces do Atlántico" de Ernesto Campos que contén un tema ligado a contorna do Val Miñor, como é o caso de "Danzas do mar de Silleiro".

{mp3remote}http://personales.ya.com/xlmiguelez/3%20luces%20do%20atlantico%20-%20mov3%20-%20danzas%20do%20mar%20en%20silleiro.mp3{/mp3remote}

As primeiras notas musicais soaron fuxidas da gaita de Xosé Miguélez, o primeiro gaiteiro de España en recibir a titulación superior en instrumentos tradicionais. Miguélez subiu ao escenario do teatro Colón para presentar ante o seu público os temas que compoñen o seu novo traballo discográfico, Esperanza.

O futuro pasa por un instrumento de fol negro que berra desexos e que, acompañado polas teclas do piano de Pablo Diago, consegue facer entender ao auditorio que é posible conciliar pasado e futuro, historia e presente, a herdanza dos antigos gaiteiros co legado doutras culturas.

A música de Miguélez soa coma aquelas melodías que os gaiteiros "de oído" interpretaban porque as aprendían dos programas da radio ou dos vinilos chegados alén do mar. Soa a emigración e a mestura, á posibilidade de facer realidade o soño dos que pedían unha evolución no mundo da tradición. O soño dos que berraban por un futuro ben diferente, aínda que co raigame preso no pasado.

"Prometedor e moi esperanzador futuro lle espera á música galega con Xosé Miguélez", vaticinou a presentadora do evento que conta xa co seu sexto ano de vida.

A gala completouse coas actuacións de Nordestin@s, Maite Dono e os galardoados nesta edición o grupo Os Cempés, no seu anuncio como última das actuacións antes da desaparición

Xose Luis Miguélez lanza o disco Esperanza

Escrito por VM

Martes, 16 Outubro 2007 03:52

do grupo.

Maís información sobre Xose Luis Miguélez : www.xlmiguellez.com